

1935

C O D I C E S

1936

ber *Ad theodidas ceu pios lectores in sequentem confessionem noui testamenti*, et infra: *I. E. Hereditarius Ratl.* Eundem esse *Hereditarium* reor ac Germanicum *Erber*, alterum *Ratisbonensis* interpretor, qualis patria fuerit obscurus Doctor noster ad Protestantes pertinens, qui in Paraenesi sua studium sacrarum literarum commendat hoc ingressu: *Abeat ad filios huius seculi, Viri et patres phosphoro multo lucidiores, Quintiliani Ciceronisque Eloquencia &c.* Ad calcem: *Hereditarius Ratl. An. Cristi M. (5) XXXI. 28. kln. septembris compilauit.* Sequitur fol. 7. *Confessio in Matheum per Egidium delphum.* Verum urceus exit; nihil enim nisi exiles Notatiunculae in hunc et alios novi Foederis Libros comparent, quibus tamen subscripsit Noster: *Finis discursus et confessionis noui testamenti scribta post Iudica Anno 1. 5. 3. 1. Hereditarius discurrebat.* De *Aegidio Delpho* adi, si lubet, *Foppenii Bibliothecam Belg.* Demum fol. 59. succedit: *Confessio cene domini.* Germanica lingua scripta haec Confessio quo pertineat, vel ex ultima ejus conclusione liquet, qua adseritur: *Corpus et Sanguinem Christi non esse substantialiter et vere sub speciebus panis et vini, sed ab his speciebus nobis tantum refricari memoriam Mysterii a Domino celebrati.* Annus 1531. cum literis *I. E.* rursus subiectus est.

CCCCXCVII.

Codex chartaceus germ. Sec. 650 XVI. Folior. 119. 4. nitide scriptus, iconis et partim a prima manu pictis, partim aeri incisis et coloribus illitis, ut quidem mens Autoris erat, ornatus, de Creatione Mundi, Lapsum primi Homini, Vita et Morte Servatoris, institutaque per Eum nova Lege tractat, verbis ut plurimum *N. T.* quibus Animadversiones et Exhortationes suas miscet. Autor e mitissimis *Lutheri* adfectis *Benedictus Tbulingk Tonsor Panni*, qui se *Gedanensem* et *Elbinganum*, hominemque illiteratum adpellat. Opus ille suum, cui Considerationem de IX. *Beatitudinibus* evangelicis praemittit, inscribit: *Ein Spiegel oder ein Fürbilde der heiligen christlichen apostolischen Kyrchenn*, dicatque *Maximiliano II.* Imp. universaeque ejus Profapiae a. 1566. in cuius et omnium utilitatem fol. 110. optat illud in linguam *Italicam, Gallicam, Latinam* et maxime *Hispanicam* transferri, nescius, ut videtur, quam formidabile Tribunal ad *Iberum* excubaret. Ceterum, quae adfert, ei tempori accommodata sunt, quo novi Religionum Doctores, ut fungi, nascebantur. Opinionum ejus specimen habe in his fol. 54. p. 2. verbis: *Vnd sollen vnser kirchen dienner sich nicht schamen des, das sie Ebre haben ein kborrock anzuziehen oder ein messgewandt, weil*

1937

P O L E M I C I.

1938

weil sie das ampt halten in der kbirchen vor der Cbristlichen gemain, das sie vnnnd wir nicht gefunden werden, als die vndanckbarn gottes vergessene schwirmer, Sacrament schender, widertauffer, schwenckfelder, Osianderisten, boese Christen, vnnnd alle keczzer. Wie auch die vnuerschampten Zwinglischen thuen &c. Ita et Papam, Cardinales, Episcopos &c. emendari solum vult. In ultima adlocutione ad Maximilianum de Pictore suo, quod arti pepercisset, conqueritur. At is nullam sane habuit. Rifum movet fol. 21. p. 2. Petrus Malchi auriculam praefecans, lineo, quod vocant, Superpellicio indutus, et multa alia. Fortassis et Tiara pontificia fol. 65. splendide deaurata ad votum Tullingii non fuit.

CCCCXCVIII.

830 Codex chartaceus germ. Sec. XVI. Folior. 72. 8. nitide scrip-

tus Opuscula II. continet *Benedicti Tulling* illius, de quo *Cod. praeced.* actum est. Priore iterum ad *Maximilianum* II. a. 1565. directo contra invalescentem Vitae intemperantiam et dirum execrandi imprecandique morem maxime in castris usitatum declamat, eique adtribuit, quod haenus contra binos Hostes: *den erschrocklichen graussamenn turckenn, vnnnd den mortlichen beslichenn Muschkawiter* parum effectum fit, subjectis etiam confiliis, quibus his malis mederi conveniat. Altero, quod inscribitur: *Feldt Buchlein vor die Junge kriegesleut*, item anni 1565. Vitae christianae normam Militibus tradit. Rationes omnes e sacris Literis repetit, indeque loca plurima recitat, immixtis passim rhythmis, quorum ut specimen aliquod adscribam, postquam sub finem dixisset, se desertum ab uxore pessima in fumam inopiam incidisse, quod expectandum erat, subdit:

*Wo nun mein allergenedigister Herr
Mich begnaden wolt so seher
Mich versechen mit einem Ibar gelt
Wie das Ibrer Maiestat gefeldt
Oder mit einer Prouision oder Prebent
Wie solches Ire Maiestat erkenndt &c.*

se plus quam 20. annis per *Zelandiam, Hollandiam, Brabantiam, Flandriam, Germaniam* et *Galliam* variis Dominis serviisse, agere nunc annum sexagesi-

mum, viribus et oculorum acie sensim destitui, et quae sunt hujusmodi una Satirici confessione expressa:

Ut versus facerem.

Paupertas impulit atrox,

CCCCXCIX.